

1995-01-14 – SS Ioannes Paulus II – Littera ‘Fideles Praelatura’

IOANNES PAULUS PP. II

LITTERAE APOSTOLICAE

FIDELES PRAELATURA

**BEATA MARIA VIRGO SUB TITULO «AUXILIUM CHRISTIANORUM»
PATRONA APUD DEUM PRAELATURA MIXEPOLITANA CONFIRMATUR**

Ad perpetuam rei memoriam. – Fideles Praelatura Mixepolitanae Beatam Mariam Virginem sub titulo «Auxilium Christianorum», quae Materna sua caritate de omnibus fratribus Filii sui peregrinantibus curam agit mira veneratione amplectuntur. Ipsorum spiritale bonum prae oculis habens Venerabilis Frater Braulio Sánchez Fuentes, Episcopus Praelatus Mixopolitanus, communia etiam vota excipiens, Beatam Mariam Virginem Patronam apud Deum praelatura suea elegit, atque petivit ut huiusmodi electio ab Apostolica Sede confirmaretur. Nos quidem enixis huius Venerabilis Fratris precibus libentissimo animo obsecundantes, comprobatis iis quae Congregatio de Cultu Divino et Disciplina Sacramentorum, facultatibus a Nobis factis, hac in re egit, Apostolica Nostra potestate, harum Litterarum virtute perpetuumque in modum Beatam Mariam Virginem sub titulo «Auxilium Christianorum» Patronam apud Deum Praelatura Mixepolitanae confirmamus, omnibus factis iuribus ac liturgicis concessionibus, quae Normis de Patronis constitutis nec non Instructione «de Calendariis particularibus atque Officiorum et Missarum Propriis recognoscendis», n. 30, indicantur. Ceterum volumus ut haec Litterae Nostrae religiose serventur suosque plenos effectus sive nunc sive in posterum consequantur. Contrariis quibuslibet rebus non obstantibus.

Datum Romae, apud Sanctum Petrum, sub anulo Piscatoris, die XIV mensis Ianuarii, anno MCMXCV, Pontificatus Nostri septimo decimo.

ANGELUS card. SODANO
Secretarius Status